



21241

kat.komp.

III

Mag. St. Dr.

P

MF 1181

Premislensis Collegii Sae fem: Via principis aquilae etc.

PANEG. et VITAE

Polon. Fol.

№ 1106



V I A
 PRINCIPIS AQVILÆ
 EXCELLENTISSIMI ac ILLVSTRISSIMI
 DOMINI DOMINI
 CAROLI
 RADZIWIŁ

S. R. I. PRINCIPIS.
 DVCIS IN OLYKA & NIESWIZ.
 COMITIS in MIHR. BIAŁA & SZYDZOWIEC
 Supremi M. D. Lituanix Stabuli Præfecti
 PREMISLIENSIS CAPITANEI
 Etc. Etc. Etc.

INGENTIBVS AVSIS

Naturæ, Virtutis, & Fortunæ Prodigijs
 AD PRIMA & SVMMA CÆLITVS DESIGNATA

In primo atque secundissimo Prouinciæ aditu

Ab Interprete publici Auspicij
 COLLEGIO PREMISLIENSI SOCIETATIS IESV
 Panegyricè

CELEBRATA

A N N O
 VIÆ NATÆ.
 M DC LXXXVIII.

LUBLINI. TYPIS Collegij, Soc: IESV.



y,

21.241 III



BIBLIOTH. UNIV.
JAGELLONICAE



Nova Elogij audacia

Laudare velle, quia Vires non suppetunt,

Quod nemo sapientissimus attigit

VIAM PRINCIPIS AQVILÆ

Metiri calamo rudi & implumi.

Sed est

PRINCEPS

Est, quod pænè suppar Laudibus Tuis adferamus,
Laudandi Cupiditatem & Audaciam.

Audemus viribus Maiora,
Laudare nitimur Omnibus Majorem Laudibus
Quia omnibus dignissimum.

Non attramen nitimur in vetitum.

Quanquam in Immensum;

TANTUS ES,

Vt una laus illa TE digna sit
Quòd nulla sit Laus TE digna.

Panegyrim debemus tot TITULIS

Tot nominibus.

Damus quod debemus, dum laudando succumbimus.

Pennatas AQVILARVM TVARVM *Laudes*

Pedibus etiam non ligatis persequi, Temeritas est;

Venia, non consequi.

Pace igitur Magnitudinis TUÆ & Fiduciâ

PRINCEPS

Partimur Decora, quæ efferre unâ non valemus.

Magna illa Nomina
Debitorum hoc solo titulo non exigui,
Partitim exsolvimus.
Tuæ amplitudinis, nostræ tenuitatis documento:

Quicquid molimur aut designamus

Pollicemur aut præstamus

Agimus aut æmus

Ne non infra TE sit

VIA est.

Quam si emunire, tenuitatis esse haud videtur,

Non longè sequitur

Et vestigia semper adorat

EXCELLENTISSIMI ac ILLUSTRISSIMI

PRINCIPIS


Honori occurrens

Observantissima

Devotissima

SOCIETAS JESU

Collegij Premisliensis.



EXCELLENTISSIMO

INter audire & fieri, velut dicere inter & facere, magnum Chaos.
Facili nimirum descensu, *Dici* sequitur ad *esse*. *Esse* quod audis,
sanctior est conversio; par prodigio fluminis, suum ad fontem retro-
acti. *Dici Excellentissimos* quàm dulce, tam non insolens: *Esse arduum*:
in paucis, RADIVILIANUM, in paucissimis TUUM. Evolas
penna Principe, quò peragrè assentatio eluctatur. Miramur EXCEL-
LENTISSIMUM quia mereris: neq; Titulo duntaxat PRINCIPIS,
audis EXCELLENTISSIMUS, sed merito. CAROLUM RA-
DIVILIUM Principem, Ducem, Comitem, hoc est toties Magnum,
excellens est dici: *Excellentius nasci: Excellentissimum esse*. Et *Augusta*
non angusta mentis gradatione, Magnis Maiorem, Maioribus non Minorem,
Maximis Parem videri vel invidis. Quod si quis TUAM, RADIVI-
LIANÆ, hoc est, PRINCIPIS AQVILÆ, nescire *Celsitu-*
dinem potuerit; legat si valet vestigia.

VIA AQVILÆ in CÆLO.



ILLVSTRISSIMO

Redde Sarmatia cachinnos cavillis, fulmen meriti si Gigas esset: *ingenio.*
Pigmeo certè acumine, non in Gruem iam audaculus Aquilam, illam
Palamedis Auem *Iovis*. Gigantomachiam redorditur, dum Poloniam
Cælum nobilium vocat? an provocat? Momus, à veritatis etiam Regno *Sancti*
peregrinus. Quanquam qui dente livido admordere veritatem invi-
dus voluit, delibavit invitus. Neq; perdidit Gentis decora, sed prodi-
dit: fato cavillatorum, laudando lædentium, lædendo laudantium.
Lechia Cælum est, tot siderum quot nobilium. Hic Arietibus murus.
Ara Tauris, Flamma Leonibus: hic Adorea Virginibus, Meta Sagitta-
ris, omnibus Zodiacus. Hic imperant Aquila, Regnant Cygni, & quot-
quot Penna Palmaq; nobilis Terrarum Dominos evehit ad Deos. At
B & soles

& soles hoc Firmamentum parturit, dum Serenissimos, & luminaria magna dum *Illustrissimos*. Frustra nubem offundis Livor. Non ideo Sol non est, quia lippientium oculis non videtur impunè. Quisquis non hebes, in uno CAROLO lucem habes, quàm explorantem Aquilas, tam ipsissimis Aquilis exploratam. RADIVILIA DOMUS, REGIA SOLIS, unde tantum lumen exoreris inter Illustrissimos Eccellentissime inter Excellentissimos Illustrissime, Splendida Titulorum, quid nisi mendacia, obscuris quorundam Orbibus & Artibus obtendit ludens Numen: Solem TE adoramus Orientem, rarâ sub Sole felicitate *Illustrissimum* ab usq; *Regij Sanguinis Aurora*, ad eum virtutis meridiem; sive atatis tempora, sive Eternitatis pensamus merita, usq; adeo dissitum ab Occasu. Tuum, videlicet *Principis Aquila* est, immensa illa Virtutis & Gloriæ Olympia, pennis non passibus emeriri. Ignorat Viam AVIS TUA, præter quæ, DEUM etiam Gigantem capit, qui exultavit ad currendam Viam suam. Iustorum semita, quasi Lux splendens, hoc est *Illustrissimorum VIA Illustrissima*.



DOMINO DOMINO.

INjuria censetur esse MAGNITUDINIS TUÆ, uno eam circumscribere velle vocabulo; non posse, documentum. Semel dici non debes, ægrè potes, qui semper meruisti. Non ludicra congemination est, ubi rarâ Virtutis & Fortunæ concordia, in Animi & Corporis decora conspiratur. Administra utriusq; natura, magnæ Principis Animæ, eam corporis admensa Majestatem, & DOMINUM DOMINO circumdedit. Norint cui serviant Leones; impatiens ut ignara iugi Aquila, si non servit nulli, certè nemini. Ministrat; sed fulmina. *Iovi Tertio* hoc est, *maximo*, in Gigantes. Amo civilitatem Philosopham: meris *Maiorum Cera* conspicuum, Illustrum Umbris: præter Proavorum Atria ostentantem nihil *Atriensem*, ne salutare quidem Dominum audet, nisi ut unum: utpote qui primum ne dicam imum hunc Gloriæ, non evasit in gradum, sed nascendi sorte impegit: Dominus inquit, ut duo saltem audiat; qui Principatum Generis, Virtute genuavit; PRINCEPS & DUX, DOMINUS & CÆSAR EX Utroq;. Tanti & tantus es PRINCEPS CAROLE, ut Dominum TE unum non adæquet, geminum non excedat. Tàm Suavis Dominus, ut nominari debeas regustando: neq; fastidium, sed desiderium parias repetitus.

CARO-

CAROLO RADZIWIŁ.

SI compendijs ire per omnem Heroa amor est ,
Portum tetigere carinae laudum. Et summa dixi & Omnia, quia
CAROLUM RADZIWIŁ dixi. Altero Magnum, altero
Maioribus pæne Maiorem, qui Tanti **NOMINIS** & Generis magnitu-
dinem, tanta Maiestatum in **AUGUSTO MICHAELE. JOANNE**
III. propinquitate cumulavit. **CAROLUS RADZIWIŁ**,
ingentia Nomina sunt; quibus dum Elogium debeo, de eorummet
thesauris solvo, & satis ad laudem facio, dum nomino. **CARO-**
LUS RADZIWIŁ, Columnæ sunt, Herculeis numero duntaxat
non maiores: Regni Bases, Ducatus Apices, Honorum metæ, Elogio-
rum terminales. In uno, **CAROLUS** suspicio quotquot Magni:
In uno, **RADIVILIOS** respicio, quotquot Maiores. **CARO-**
LUM video & **AUGUSTISSIMUM** puto. **RADIVILIUM**
audio, & Magnos, Maiores, Maximos sperare audeo, spirare credo.
Omnia Cæsar erat, audax elogij genus. Nempe à calamo, cui
Quidlibet audendi, semper fuit æqua potestas: è vero Princeps,
quæ divisa beatos efficiunt, collecta tenet. Seu **CAROLVM** seu
RADIVILIVM æstimes, *Cæsar est ex utroque, Unicus Univerſa.* Hæc
illa Pennatorum Principum Vis & VIA est: **CAROLO** Cælos,
RADIVILIO Terras, utroque complexo Univerſum. **AQVILA**
Magnarum Alarum, Altera Occidentem, Altera contingit Orientem.


MICHAELIS RADZIWIŁ CATHARINÆ SOBIESCIADIS PRINCIPVM FILIO

SI Angelos vel mori necesse, vel nasci utile foret, non alijs Filij,
Saut esse Parentes euperent, aut non esse inviderent. Certè **MI-**
B **CHA-**

CHÆLIS *Filius es ô Princeps!* non solo, quo audiit, sed & quo non desit Nomine Principis *immortalis*. Quàm facilè Angelo prognatus Angelus. nisi qui in Te vivere præoptavit Angelico, hoc est Legationis Officio immori potuisset. Tunc sibi *Roma* crexisse visa est *Orbis Caput*, erigere *Capitolia* & triumphare; cùm *Caput* illud *Legationis Regia* accline sibi reperit & suspexit: Latior si efferre non letò meruisset. Tunc sensit *Coronam Capitis* cecidisse, cùm ereptum accepit BONONIÆ OPTIMVM, an non & propè *Maximum*, cuius animum capere *Patria* non potuit, peragrè corpusculum. Per *Portas* ille *Triumphales* perque ipsa pænè *Capitolia*, quàm Magni quàm summi solent, fatali velut *Appiâ*, Alter, nulli secundus, exivit ad triumphum, nondum licèt vixisse creditur aut triumphâsse, qui in *Te*, altero *Tanto* vivere creditur & vincere. Quo enim beatitatis sensu, è Cælo spectator, nihil non *Regium* videt in *Te*, nihil non *Augustum*. Ultra Imperii Principatum, infudit semet cum sacris fontibus *Augusta* MICHAELIS I. *Maiestas*, CAROLO iam iam MAGNO: *Regia Maiestas*, ultra *Patria* MICHAELIS, & IOANNIS confirmati NOMINA REGIO se se *Nepoti* affudit cum sanguine. SOBIESCIAS nimirum est, cui lucem hanc debes *Serenissimam*, *Regum Soror*. *Ducum Coniux*. *Principum Mater*. *Heroum Genitrix*, millium in *TE* vno. Quomodo enim *Semideis* illis, non vt verior, ita credaris integrior? cuius Generi non parca *Sorum* manus sed *Tanti Soror Tonantis*, innevit *Purpuram*; in IOANNE III. tot *Gratiis* intertextam: cuius immortalitati *Genus*, alto à sanguine *Matris*, pro Cælo est *VIA Heroum LACTEA* spectatissimo. Efflorescere latius, si non latius potuisse vetustas creditur, si *Minervam* cælibem adeoque improlem maluisset. Aurea verè *Lechiæ* secula, *Palladem Christianam* habent in CATHARINA, sed quàm fecundam? quæ *TE* ad invidiam vel *Dearum*, adèd secundo partu edidit *Os humerosque Deæ similem*: & *Togati ingenii* & *Martialis Genii* acie iuxtà promptum; Inter *Philosophos* regnare inter *Reges* philosophari dignissimum. Principi ne quis nesciat *Aligero* parum esse, impressa terris, vno singularium, vestigia præterire, quin prætervolet etiam nascendo: invenire parantibus, quàm ducant volentem *VIAM* Fatis, nisi in valentem incidissent ac volentem.



SERE-



S E R E N I S S I M I

IOANNIS III. POLONIÆ REGIS

EX SORORE PRINCIPE NEPOTI.

Mitra Filio, Nepoti Corona Paterna Clavam & Caduceum, Materna
Sceptrum Linea designavit. Hoc demum est è Regia Sorore na-
sci, domestica inter Exempla Reges numerare: Fatis utique tam su-
blimem ad ideam, quid? nisi Principem in Exempla plus quàm Prin-
cipum formantibus. Minores Diadematis tantumque non capitis A-
vunculi, ad Hastam & sagulum excitant Ascanios, Fortunâ, Virtute,
Coronâ, ter Magnus sub IOANNE TERTIO Hector, non ad
Sceptra Nepotes excitet & purpuram? Hominem inter Flores, Flo-
rem inter Homines miratur Narcissum Antiquitas: Lymphatus ille
sui admirator in lympharum sese deperiit, periitque fonte. Felicius
Coronato Regij Sanguinis, Fonti, Corona es PRINCEPS CAROLE.
In illo TE vides & in TE invenis, quod ames augustiùs Regum
Augustissimum, cuius usque adeò & armos exhibes & animos. Fa-
cies illa molesque augusta, quantò Cælo propior, tantò dignior non
cælari: quidquid Charitum spirat & Maiestatum, efformasse in TE
gestiit natura, cumque sanguine & lacte transfudisse omnia in Nepotem.
Et Lacunarum verè Principem colis Matrem, quæ TIBI ab vtero &
Cunis, haud imbelli Spartano REGALEM SOBIESCIA CLY-
PEVM circumdedit. Quodd Augustum Magni Animi Domicilium
Pectus Tuum, angustior Orbis non caperet. Itaque Principem RA-
DIVILIORVM Alitem, facis Regium: Ingentes Magni AVVN-
CVLI passus, felici ille volatu ut consequitur, non inferiora secutus,
Cælum haud negata tentat ire VIA, quia tritissima AQVILIS
& REGIA

C

GEOR.



GEORGII PRINCIPIS.

M. D. L. POCILLATORIS

GERMANO.

Geminos duo Sidera Fratres, Castorem & Pollucem, Par Fratrum
sed immortale utrumque, nec alternum lucida Sidera, sed æter-
num Cæligenæ Amoris concordēs Geminos. Iovis Optimi Cygnæam
prolem, Polo ne invidas *POLONIA*, in *GEORGIO* vides &
CAROLO. Sobiesciadum altera Cygnos, Aquilas Principes alte-
ra parit. Respirate Lechi; Ver erit æternum, Maius immortalis: Sol
isque Serenissimus æternat in Geminis. Quæ illis Animorum consen-
sio! vix credas duos esse: ita raræ prodigio necessitudinis, alter spirat
in altero. *GEORGIVS*, alter *CAROLVS* putatur, non diuisus
sed geminatus. Succenseret Sorti nascendi, natu maioris Amor, nisi
secundum nasci, alibi inæqualitas, hic Auspiciū foret. Præcucuris-
se *GEORGIVM CAROLO*, ægrè persuaseris, quem ita circum-
fert in Animo, *Princeps Principem*, vt neque in lucem prodire videat-
ur potuisse sine isto; simul geniti similior quàm Primogeniti. *Ge-
minos duo sidera Fratres*, exclamarem iterum! nisi alter alteri pro sole
esset. Orientem illius, suo cumulat ille Meridie, Meridiem illius,
suo iste non finit occidere Oriente. Tot hîc Numina quot Lumina:
Alterius Hymen, *ANHALTICIS*, *Brandenburgicis*, *Saxonicis*, *An-
glicis*, *Mitris*, *Coronis*, *Thoro* ad *Thronos* pertingente *Serenissimus*:
Mars alterius, si sanguinem ignesque; si *REGEM AVVNCV-
LVM* nôsti, Potentissimus ac Invictissimus.

S. R. I. PRINCIPI


Non cepit Pellæum Macedonia, non capit *RADIVILIVM*
Sarmatia. In Regno *Dux*, in Imperio *Princeps*. Dicerem *ALE-
XANDRVM*, nisi & *CAROLO*, velut fatale esset, *Magnum* esse.
Minorum Gentium Auibz ostentatio, *RADIVILIANÆ Aquilæ*
Maie-

Maieſtas, extendit pennas vltra Nidum. Quantus es vel in Flore, qui Imperiales etiam inter Coronas emines, habesque Principatum. Nigra bicepsque Imperii Aquila, Noctem & tenebras Orienti, quò ſapientius minaretur, Concolores *Ducalis Aquila* pennasque Caputque, Principe loco, inter Imperij adſcivit Capita. Faciat Imperium Principes, quos non invenit, & ſi philoſophandum, creet, hoc eſt, ex nihilo producat ſubieſti aut meriti: Principis Nomen, Imperio vel Maioribus; Merito rem debes & Virtuti. Quòd Principem legimus Fortunæ eſt, Virtutis, quòd videmus. Principem T E Imperio accedere, Imperii lumen eſt. S. R. I. Princeps optabaris; ut Tuâ virtute ſacrari, Tuo Principatu videretur etiam ſibi Roma Imperare.

D V C I I N O L Y K A E T N I E S W I Z


Timete Monſtra? eſt Soror Tonantis quæ non lactet tantummodo Alcidem, ſed pariat. Melior cum ſanguine Regio, quàm cum lacte Iunonio effunditur Hercules, Heros clava. Quantus ſit! è digito manuque Gigantem metiri licet. Non ſolum magnitudinis Argumentum, capi non potuiſſe, niſi vtero, maieſtatis capaci. Conſanguineam Serenitatem pro Lucina, *Clypei Septemplex Orbem*, pro Leuana, purpuram pro Faſciis habuit. Clauam grauem monſtris, Clauam extulit ab utero, *Dux Natus*. Alcida viri Arma, *CAROLI* fuere infantis crepundia. Prævolâſſet ætatem Paternis Aquilis, Matrisque *SCVTO* Triumphali, pro cunis uſus, non Serpentes ſed Hydras eiſſet; ſi ut per temporū ita per ſpatia terrarum licuiſſet. Vicifſet; ſi venire, videre, fas fuiſſet. Prope in eam, *FULMEN BELLICAROLE* tempeſtatem naſcendo incideras, quæ procellam in Nos Othomanicam ad uſque Solis Podolici naufragium effundere parabat. Formidatis tunc adhuc Orbi vniverſo, Orientis viribus, triennali omnino belli meditatione, in noſtram ſeſe perniciem colligentibus. Tunc prodis in Solem, *Magnum Lumen!* Tonante cælo Gemma naſceris, ſerenitatem quæ iam iam deerat, è Matre proſers; dubium pænè in lucem ires an in hoſtem? teneri ne quidem tam regio teſto poteras, quin maturè occurreres hoſti,

muros animisiam habenti, vnoque in *Cameneo, Poloniam, vna in Polonia, Europam* obsidenti. Quis tum audaciæ sensus Barbaro? cum fatalem Thracibus manum pænè adhuc Fasciæ inhiherent. Vagitu tamen ipso spirabas Martem, afflaturus *Sarmatiae* Animos, quos Thraciæ ademissēs. Aquilas conspicatus domesticas, optabas Martiales. Partem credebas solatii, non defore Domi, quod in cornua & Alas pro Patria explicares: cumque sudore & sanguine nondum daretur, lacrymis, infantiâ & suspiriis, fumantis Troiæ incendia temperabas. Fuere iam tum animi corpusculo maiores. irasci Naturæ videbaris, quòd lenta, non Prætextam & Fascias, Sagulo vetaret commutare; & vel militem agere, *Ducem Natum*, annos animis, antequam copias corpore præitutum. Distulit enim Barbaro stragem fortuna non abstulit. Timet Briareus Herculem, adhuc centimanus. Timet fatale *CAROLI* Nomen Othomanus. Præuolas animo, & hostem propè exanimas ante cladem: Vincis antequam vides; & velut Gentilitiam *RADIVILIO* de Turcis Lauream, voto præcerpis triumphali. Bellicum Ducis Nomen in imbellem Pacis titulum degenerasse dudum credebatur: Infra Tibi gloriam ducitur, audire Ducem non agere. Termagni Hæctoris Secutorem esse contentus, non premis vestigia virtutum sed imprimis: ducis exemplorum agmen & de Te facis: litemque, nasci Ducem præstet? an fieri? dirimis *Natus Dux & Factus*.



COMITI IN MIHR.

SZYDŁOWIEC, BIAŁA,




Vlâ arduâ & mortalibus propè inviâ evadis supra hominem *PRINCEPS*. Tritus & vulgi trames fuerit, Virtute duce, Fortuna comite, utraque passim alienâ, ad vsque Comitum Ducumque Titulos eluctari; *Dux Tibi Natura Duci Nato*, Comes Virtus, Fortuna pedisequa: digniorem non habitura, si a Tuis abiret vestigiis. Ma-
nu tenes Fortunam *PRINCEPS*, & non obluctantem ducis, quòd lubet. At nec solius comitatus esto, quòd Comes sis; nec quòd *DUX* solius Naturæ. Claudunt latus, alterum Fortitudo, alterum Iustitia; alterno

terno gladio, si non ancipiti, hinc virtutis, illinc hostibus Patriæ Numina formidanda. Dicerem à corde pietatem, nisi tota cor ceu Regia Numinis occupasset, Habeo fidem & reverentiam, Tuæ Principis sapientiae Oraculo: Tecum sunt Divitiæ & Gloria, Opes & Iustitia. Habes comitatum Princeps tot Regibus invidendum. Certatur de Tuo latere: Neque periturorum de Te certamen est sed Deorum. Mars & Pallas, Maestas & Charites, Bellona & Consus, quanto capiuntur decorum Exercitu? an capiunt: Comitem facturæ nisi esses. Præmaturò ante lucem utique & Luciam comitatu, occuparunt coædotes Comitem Regum, neque purpuræ minùs quàm Sanguinis: neque Generis modò sed & Speciei Regis Animo Individuum vt Corpore.


S V P R E M O M. D. L.
S T A B V L I P R A E F E C T O,

Herculis labos, an Herculei Laboris labes fuerit Augiæ stabulum? Quanquam Hercules in Boum stabulo, Sol videri poterat in Domo Tauri: Nihil agentibus Iunonis odiis, Euristei inclementiâ, quo laborum alicui Amphitrioniades succumberet, & vel sic non supra esse videretur, quem superstitem ægrè videbat invidia semper invita. Sanctior Tibi DEÀ Ô PRINCEPS! melior Rex, an Optimus? VIRTUS, & IOANNES, Templum Honoris aperiunt stabulum tam augustum, vbi tot iam Decora Stabulantur. In eum conferre libuit Præfecturam, qui SUPREMAM facere poterat nisi invenisset: vt Principem namque ita supremum non fecit illa Te, sed inuenit. Quid iam nisi REGIA SOLIS? quæ tot ac tantos complectitur splendores in TE VNO & Tanto! Est in Tua Honoris Domo, quo vel Maestatem attollas, vel *Inchyæ Magni Ducatus Equiti* expeditiorem reddas Felicitatis Hypodromum. Nec vnus nec mendax Equus ad Salutem. Præsentissimum ubivis Auspicium *TUÆ AQVILÆ* & Sanitas in Pennis Earum. Sunt equi vindices quibus Thraciæ Tyrannum, Alcides Diomedem obicias. Quanto iam Tui desiderio, Honor & Fortuna teneatur, vel hinc collige: Magnis itineribus ad summa Fastigia deduci meritissimo,

mo, Stabulum submisit Alipedum. Sciuerit licet non pedibus sed
pennis Aquilas triumphare. Sit Fabula curru Solem & Equis vehi:
Tuæ Dignitati debere amat Serenitas, quo triumphet.




AD COMITIVM GRODNENSE PROVINCIALI LEGATO,



Terrestrem Nuntium lectitat vulgus ex antiquo, ut si quando Tui
similis obtingeret; Caelestem ne credere cogerentur. At neque
Nuntii aut Caduceum dedignaris aut Titulum, Atlantis facunde Nepos,
advolas non pennis sed totis Aquilis, Herois Cyllenii talaribus, facturus
invidiam, Bono publico promptioris animi documentum, Verior Dea-
rum Libertatis & Maiestatis Nuntius, quam Deorum Mercurius, Non
~~tem~~ pro Libertatis Maiestate quam pro Maiestatis Libertate disertior, Os
humerosque Deo similis. Pendebat ab Ore nihil non aureum. gra-
viter & splendide locuturi, Herculis, Gallico illo potioris catena: pen-
dere ab ore parantibus Tulliis, nisi Res, nescio Fatorumne? invidia rum-
perentur. Neque desset, quo dilabuntur vel maximæ. Satis fuerat pre-
tium & Gloriæ, triumphali Suada devincire Animos & pertrahere potuis-
se, nisi incertum quis inflexibile Saxum Deus Terminus, Ioui noluisse
concedere. Videre erat, inaudita dicam, an etiam invisæ rei Admi-
nistratores, qui venerant Oratores, auribus oculis metiri Regni fata, ore
libero animoque amoliri necquidquam cupientes - Comitiorum venisse
nuntios & abire tantum non cladis. Fuere, quibus magna libertas ma-
gna servitus videretur. Comitiam alii accusabant morbum, Discor-
diam. Superstitiosius alii quam verius Divinum quiddam aut simile
Divino accidisse iactabant in humanis cuius nec initium invenire esset
nec finem: Circulus fuit, absque Puncto, in Amorem publicum con-
cordiæ. Peregrinus intra Patriam putabatur, qui rupta clamitaret quæ
nec cõaluerant. Fuere quibus facinoris contagia terrori essent, non
nescientibus utique exempla maximè vitiorum neutiquam illic consiste-
re ubi cæperunt. Tanti nihilominus & temporis & conatuum appara-
tus, agere aliquid videbatur; Nempe Actum, novis scilicet in Polonia
Barri,

Barriis sollicitis in speciem, re verâ magno conatu nihil agentibus. Quid hîc ? innoxia illa, & è vero Dea Libertas ? cui Pectus tuum pro sacrario, Cor pro Ara, Amor & Sanguis pro Sacrificio: Tantum non audita ingemiscere, iure mortalium ~~non~~ iniurio, quidquid in se immortalitatis esset pessum ire, an trahi ? in turbido illo rerum æstu si non & naufragio, præsentior vultus Tuus, pro malacia fuit ; Candor illæsus & innubis pro sereno ; pro Portu, Constans sibi semper animus, & æquitati. Vicerat, non evaserat tantummodò, si dicere quod sentiebas, licuisset, audire libuisset. Unius vox Reipublicæ fuisset universæ, in cuius pectore & sanguine, inviolabile illud Libertatis cum Maiestate consortium, non virtus duntaxat est sed natura.



CAPITANEO

PREMISLIENSI

HOC EST

PREMISLIENSIVM CAPITI SI NON & PRINCIPVM

PRINCIPI CAPITANEO

J T A


CAROLE PRINCEPS

Sublimi feris sidera vertice : aut sanctius, fulcis Sancta, & erigis, ferire
Samas Othomanica, contra Militiam illam scelestam, non Cælestem,
Ductricis Lunæ in præceptu sequacem, Dux & Caput Raro haud è vano
magnorum, Privilegio, ante victoriam in Hostico, triumphum canis in
Patria. infra TE videri amant, etiam qui visi præivisse: Honorariæ
velut de more Aulæ, Fasces prætulerint Ante cedanei, ne decrescere Ho-
nos crederetur, si non in *CAROLVM PRINCIPEM*, ceu in fa-
stigium desineret Quod vnum, in *CAPITANEATV* facilè *PRINCIPE*
desiderari poterat, Addis, Maiestatem consanguineam cum Principe
D 2
& cumu-

& cumulas. Gemeret Daniloviā exuisse aliquando Purpuram, & lacry-
 mis decoloraret, pænè pullatus hodieque nisi alter *REGIUS SANGVIS*,
 non alius Dibapham reddidisses. Cedunt *WISNIOWIECIA SIDERA*,
 Soli tibi & Siderū Principi, Gaudet Nobilis *HERBVRTORUM* Pomona,
 Aureos Hesperidum fructus Arcetque Maiori Alcidae patuisse. Meliori,
 Domi adeò Principis, auspicio, secundiora hodie videri malunt *ST A-*
DNICIORVM FLUMINA, hætenus Priora. *KRASICIORVM* CORNUA
 ægre silentes umbræ, auditis longe ac late vocalibus *RADIVILII*
 Cornibus, prope vitam & vocem debent. Vivit Quid enim illustres
 persequar umbras, quæ Orientem Te Solem præcessere. Vivit Trabe-
 atus *MAGNI KACCII* Gradi-vus; Tibique, quid nisi Martem spiran-
 ti & victorias, Triumphales accendit ignes cui facem prætulit &
 Lampada; minime inglorium cessisse ratus. Duci Leoni, Hæc meta
 sagittis, sed nondum votis publicis, infra *TE* vel magnus Honor.
 merens Maiora par maximis! Capitaneatus *TE* non capiunt sed capi-
 untur. videre enim *CAROLVM PRINCEPEM*, capi est. Amb-
 bit *TE* Honos, quo ad fas immensum non ambitur à *TE*, facile Prin-
 cept abhinc futurus, *TE PRINCEPE*, veriùs *TIBI* debiturus
 Apicem, quam daturus. Dignitate eminent alii Tu emines Dignitati,
 Honorque es Honori. Arcem Capitanealem, Capitolinam, facis, in
 qua magni de magnis; de Pompeio Carolus, de Iove Capitolii, trium-
 phet iustitia Capitanei; virtus Principis, & Princeps virtutis.



& Cætera & Cætera



Patere Laudum compendia *PRINCEPS*, qui omnium es com-
 pendium *Ipsè metus TE noster amat*, ipsum silentium *TE* nostrum
 laudat. Divinum elogii genus, tacendo prædicari: deesse non debet,
 cui meriti adest omne genus. Nam & istud haud longe infra superos est,
 Quod infantium linguas disertas facis, Infantes Disertorum. Prodigium
 Naturæ & Gratiæ Animum Tuum, quis non & excellentiùs & illu-
 striùs legat, è vultu hoc Excellentissimo ac Illustrissimo? Ephestio-
 nes non sumus: Tua Princeps Dignitas, *CAROLI* est, Alexandro
 Nihilo minoris, quæ Tulliorum etiam labiis imprimat Harpocratem,
 Adora-

Adoratoribus faciliior, quàm Oratoribus. Quis paucorum dierum Ar-
tem credat, efferre supra sidera? Quem parturiens tot propè soles na-
tura tulit, quot solem signa: Elephantum parturire visa, certè magnum
& exspectationi tantæ non imparem. Dulce pondus à corde melioris
Olympiæ, diuelli nequibas facilè. Non erat, quod properares in lucem,
illo iam in sanguine habens serenissimam. Pendebamus tunc a Tuo
Ortu, qui nunc pendemus ab ore. Prospectabamus Desideratissimum,
quem expectatissimum suscipimus. Soles tibi cum non posset nullos,
optasse credita quàm serenissimos *Luna Othomanica*; Invidere ortum
Oriens, benè ante meridiem tuum occasurus, Quamquam non Vitam
Tibi sed mortem hostibus, Calites diferebant. Credo celerior prodi-
isses, si propior Barbarus occurrisset. Electio Regum, & Belli Turcici
meditatio pro Horoscopo fuerant PRINCIPI MARTIALI: Illa *Te* cum
Maiestate ferebas ab vteri Maiestate, atque si foret Individua. Certè fuit
non collactanea minus, quàm in *AVGVSTO* Rege per *BARBARAM*
RADIVILIAM, in *MICHAELE* I. per Avum tuum *WISNIOWIECIO*
genitum congenita. Atticæ Noctuas Minervæ, Athenæ Lublinen-
ses, *RADIVILIORVM AQVILAS* inter auspicia coluere. Servos non
legnius futuros, quàm *Cervos* inibi Gentilitios, Corona pro pileo do-
nasse ferebaris, Obsequii *Tibi* sacrati gloriâ abunde coronatos. Erat
nimirum, quo non degener aquilarum indoles Luce Magistrâ profi-
ceret, Solis experimento Serenissimi. Aula igitur & Exempla Re-
gia, Ludus Tibi reliquus fuerant literarum. Principes inter Regis Na-
tos, Princeps Nepotum Regis, educatus, ipsissimo sapientiæ fonti,
Divino Iovis Sarmatici Cerebro, Palladem debes & Genium. Euro-
pæ lustrandæ ac illustrandæ iuxta parem, *Hispaniarum, Galliarum, Ita-
lia, Danie, Regnorum & Regum*, Hospes acceptissimus, illic corda Di-
vumque Hominumque rapuisti, vnde, prodigio rarius est, venisse non
excordem. Non minorem illinc hominem rediisse, Tuæ virtutis mi-
raculum esto. Hæret defixus admiratione calamus. Ignosce PRIN-
CEPS Tenuitati Tuas *Tvas* in laudes iniuriæ Gigantæa immo *RA-
DIVILIANA AQVILARUM OLYMPIA*, non passibus æquis, ne-
cquidquam emetimur. Lassamur, succumbimus immensitati laudan-
dorum *Et cætera*, hoc est propè omnia, non præterimus Hercule sed
attingere non valemus. Vide quæ de *CAROLO PRINCIPE*; Ti-
tulo: Naturæ Prodigium, Virtutis compendium, Fortunæ fastigium;
Europæ desiderium, Patriæ Delicium, Honorum meta inevitabilis,
&c. &c. Loqvuntur Historiæ præteritorum, Theatra Præsentium,
Auguria futurorum infinita.


E

REGI-


REGIAM HONORIS CAPITANEALIS ADEVNTI.

QVorsum venias miramur Tuæ amplitudinis conscii: non quod omnia vel è ruderibus, Tuo assurgere cogantur HONORI: sed quod Eum TE Arx Capitanealis accipiat, quem Capitolia tota non caperent. Vnde venias: dubitat nemo: Homine majorem, Deo quàm simillimum. Datum è Cælo Genus Alto à sanguine Divum, acclamantibus cunctis, vultui huic, nihil non cum Maestrate serenum radiant. Quis ille oculorum frõtisque Tuæ magnes? Non ferrea me hercule Terrarum, quin & Cælorum Lumina, & prope Numina, trahis: an ut non invitos, ita tuis gratiis non invictos ducis PRINCEPS Principes in Triumpho. Dux videris siderum, vel ipso sole illustrior. Non illum hodiernæ pænitet in cancro stationis, quo sæpius ad Tui reme et ipse spectaculum: Bene posthabet *Leonem Nemeaum*, cum habet *RADIVILIVM*, Luce dignum, & sole etiam Serenissimo. Pro Urbis postibus Tuo Magni Principis aditu, vernantibus, non pictam videre nobis videmur, sed Maiorem de Cælo vrsam. Certè Reducem inde vsque Astræam, iisdem Tecum Arcibus accipimus & Arcibus; Triumphabundis similes Librâ, Tuis in manibus cum *SOLE IVSTITIÆ* Oriente. Gladium enimvero Themidis mavis: nimirum quem Iustissimâ Nemese ab acclini Tuorum Cervice, in recrudescentis Lernæ avertas excidium. Itaque non Lari addictior quàm Gradiuo, Portas Triumphales, quæ TE magnis maiorem non capiunt, ceu Iani quondam Bellacis Postes, claudi veras. Honorarias simul capeffis secures, simul in hostem vertis. Mereri mauis Triumphos, quam morari: Augustiori Capitolio, digniùs Subiugatis hostium ceruicibus, quàm succollantium brachiis Ciuium inferendus. Trito *AQVILIS* per sublimia Calle, iisdem ab Arcibus, quas Cælo admoves PRINCEPS, & prope Cælum fieri iubes, fulminare ardescis in Gigantes: Iovi & Tonanti propior, quàm Iovis & Tonitruui Ministro: Numinis Maximi, Magnū Numen, hoc est, quod plausus hi Nostri, Conceptis Animo Principe Triumphis

umphis longe dispares, non moderationem duntaxat, sed & Fortitudinem Tuam ægre habent. Amares Arcus Laurigeros, fractis Scythicis. Placerent Triumphales Portæ, dirutâ Othomanicâ. Eset, quo Deorum Maximis, non cederes, Aquilis triumphando, post cladem Gigantum. Acceptissimum Panegyrici foret genus, Si Bistonio Sanguine scriberetur: Arrideret Epinicion PRINCIP I, post Tyranni Epicædium. Teriô Pean / canerent vltro TVBÆ RADIVILIE, Exanimis Thraciæ funeribus animatæ, vsque adeo Regius bullit sub pectore Sanguis / Triumphatorum MAXIMI NEPOTEM, Nihilo degenerem, piget non viâ Regiâ per strages incedere Barbarorum. Ergo non Palladis iam, sed Bellonæ Prototypum damus: si non ipsimet sumus. I per ora Laudantium antequam per Hostium. Subi Arcus pectorum, TVI sese studio flectentium: sub iuga iam SERES iam Barbarus ibit. A R A X E S. Ardentia TVI desiderio vota, iamque in gaudiorum flammæ erumpentia Triumphalium de Treiciis Bustis Ignium, sunt præludia. I BONIS AVIBVS; quia TVIS AQVILIS. I Cælo Auspice, quod TVIS habes sub ALIS, pro POLONIA & POLO bellaturus. I per procucatas Othomani Lunas: Quaque sit Aquilis in Cælo via, doce Triumphando. Non præcludimus plaudendo viam, sed viam præsternimus Triumphorum.



PALLADIÆ COLLEGII NOBILITATIS APPLAVSVS.



MArs in Te fortitudinem & panem Martem alterum, Themis sapientiam, vtrumque miratur Pallas; in Erudito armata, in armato Erudita, Princeps vtroque in Principe. Caput galeæ, Pectus Ægidi, manum hastæ; & se integram, hoc est, Toga & Sago, Oleâ, & Laurus, Pace, & Bello, DEam Tibi debet. Natam è Iovis Cerebro Mineram credere cogit Fabula, è Tuo veritas: & tum demum plueret aurum creditur, cum nascitur è Tuo. Moliri Domos Sapientiæ, Cælo co-


S R O I S invidendas, dotare collegia, fundare Academias, & scientia-
rum universitatem esse, R A D I V I L I A N V M est ex antiquo. Ca-
put tuum Arcem suam credidit sapientia, totamque insedit tora: Et quod
scis, nemo scire, & si quid nescis, videtur scire nemo. Quicquid Aquilis
capitum, Leonibus Virium, Tago pretii, Liliis Vigoris, Tyberi Maiesta-
tis, debere se credit Literatura Politior, in T E videt. Rident la-
crymæ HERACLITI, cumulantur risus DEMOCRITI, Homine
gaudent CYNICI, ponunt supercilium STOICI, triumphant PE-
RIPATETICI, T E P R I N C I P E. Totque illa quas non despicias Philo-
sophantium umbræ, umbræ T V I sunt: Philosophi sub Principum
Sapientissimo, Trabeati. Magnus Macedo suspexit Stagyritam, & pæ-
nè maiorem fieri voluit, quia M A G N I M A G I S T R V M. T I B I C A-
R O L O supra Alexandros M A G N O Vniveria militat P H I L O-
S O P H I A P O D O L I A N A F V N D A T O R I S T E N I A Labarum
daret, nisi propius Auspicio videretur, T V I S A Q V I L I S Nomen
dare. Centuriantur itaque B O N I S A V I B V S Viceni Numero, A-
nimis Phalanx, illis olim Persiæ Immortalibus non cessuri: potentiori-
bus obsequiorum argumentis de Tuo Nutu certaturi. Quicquid uspi-
am Scientiæ, philosophante latet sub pallio, T I B I Sacrum esto P R I N-
C I P I, quàm scire iam sciri D I G N I S S I M O. Hodie demum I A-
N V A S C I E N T I A R V M latior audit D I A L E C T I C E dum tuis
Triumphis arcuatur. Veri indagatrix L O G I C E, veritatem Princi-
pis in T E, & Principem reperisse gaudet veritatis. Magistra morum,
E T H I C E & P O L I T I C E quod unum desiderare in plurimis vi-
debatur, Boni & Viri & Principis Ideam, habet. In T E Computat
Dotes innumeras A R T H M E T I C A, Herois numeris omnibus abso-
luti. Stupet G E O M E T R I A Magnitudinem Atlanticam, Cælo
parem contemplatur A S T R O N O M I A, vivam firmamenti faciem,
totidem luculentis sideribus, quot animi corporisque distinctam
splendoribus. P H Y S I C A Naturæ bonitatem, M E T A P H Y S I C A
Naturæ prædicat Miraculum, Aquilasque R A D I V I L I A S Ali-
geris, Dns immiscet C A R O L V M, quicquid mortale est, immor-
talitatis merito transcendentem. At & T V L L I A N I S Rhetorum
R O S T R I S patet Laudum Tuarum Oceanus. Timet copiosè loquens
Sapientia, ne quid Tuorum decorum, impar deterat Laudatio.
Quàm enim proclive imò præceps est, in Magnorum Laudibus
C V R T I O S videri, T A C I T O S in Laudibus Augustorum R O M A N I

NI IMPERII PRINCEPS, Romanæ facile PRINCEPS
 es Eloquentiæ, ad cuius facundiam Purpuratam erubescant semet vel
 TVLLII; Vilescant Catenæ, vel Herculeæ. Ducitur nimirum
 laudum Tuarum Studio RHETORICA; at ducitur in Trium-
 pho, victa toties, quoties TVI admiratione elingvem fieri cōégisti.
 Ovare sibi posse PŒSIS visa; & si non pennis Pegasi, certe pe-
 dibus, minoris Triumphi ritu, velut in Capitolium, iu Tuas, ire Pane-
 gyres. Magnis tamen excidit ausis. Celsius Tuæ TE attollunt Aquilæ,
 quàm ut toto Bellerophontis Alipede, attingi queas. Ergo animi
 Vatibus concidère: Adorant. quot Verba Oris Tui, tot Oracula: senti-
 unt in CAROLO Apollinem, Delphico certiolem; plus huma-
 nitatis, an Divinitatis spiret? incerti. Et quis demum Tuis in præconiis,
 vel Disertorum non infans; vel Infantium non Disertus? provocant
 Aquilæ Tuæ etiam Pullos ad volandum; Animant RADIVI-
 LIA CLASSICA, CLASSES etiam VAGIENTÛM. Quod ore
 nequeunt, loquuntur animis, in ora erumpentibus, BVLLATI ORA-
 TORES. Non Primæ, non Mediæ non Classicum Infimæ cessare li-
 bet. Cunctis, quæ data Porta, de Honore Laudumque Tuarum Por-
 tu, certantibus. Nobile loquendi scribendive Rudimentum putatur.
 Laudes Tuæ: Aquilinum Generosæ Indolis periculum, ad Eam No-
 minis TVI Serenitatem, Lucis Patientiam experiri. Fatalis vel in-
 cipientium vox illa; Nomen Tuum Indeclinabile Barbaris, clamitan-
 tium, Ineffabile Oratoribus; quicquid conentur, quicquid moliantur,
 Infantibus. Stabit tantæ molis perenne monumentum, TIRAVIANA
 ATHENÆI PREMISLIENSIS ROTA, impletura Orbem Tuis
 Laudibus, nisi tanto illarum ponderi, vel succumbere & cicatricem
 Triumphis memorem geminare non esset inglorium. Triumphalis
 utique Curriculi haud egente Quem hinc PRINCIPES AQVI-

LÆ, hinc è voto publico,

Sublimem meritis Cygnus ad astra feret

Ad M. D. C. I. V. C. Honorem.



A circular library stamp from the University of London. The text "UNIVERSITY OF LONDON" is curved along the top inner edge, and "LIBRARY" is curved along the bottom inner edge. In the center is a heraldic crest featuring a shield with a cross, topped by a crown.



